

**UNIVERZITET U BIHAĆU**

telefon/faks: 387 (0) 37 222-022  
adresa: Pape Ivana Pavla II 2/II,  
77000 Bihać  
e-mail: rektorat@unbi.ba



**UNIVERSITY OF BIHAC**

phone/fax: 387 (0) 37 222-022  
address: Pape Ivana Pavla II 2/II,  
77000 Bihać  
e-mail: rektorat@unbi.ba

## **S E N A T**

Broj: 06-4295/11  
Bihać, 29.09.2011.

Na osnovu člana 61. Statuta Univerziteta u Bihaću, a u vezi sa Odlukom o kriterijima za akreditaciju visokoškolskih ustanova u BiH, Senat Univerziteta u Bihaću je na svojoj XXV redovnoj sjednici održanoj dana 29.09.2011. godine, utvrdio

# **P R A V I L N I K O PROCEDURAMA ZA PODRŠKU MEĐUNARODNIM AKTIVNOSTIMA UNIVERZITETA U BIHAĆU**

### **Član 1.**

Pravilnikom o procedurama za podršku međunarodnim aktivnostima Univerziteta u Bihaću (u daljem tekstu: Pravilnik) pobliže se određuju procedure podrške međunarodnim aktivnostima Univerziteta u Bihaću (u daljem tekstu: Univerzitet).

### **Član 2.**

Međunarodne aktivnosti na Univerzitetu se primarno realizuju posredstvom Ureda za naučno-istraživački rad i međuuniverzitetsku saradnju u zemlji i inostranstvu Univerziteta (u daljem tekstu: Ured) i organizacionih jedinica.

### **Član 3.**

Ured je nadležan za realizaciju, odnosno koordinaciju svih aktivnosti koje uključuju međunarodne partnere. Ovo se posebno odnosi na međunarodne aktivnosti razmjene studenata i osoblja, organizacije i učešća u ljetnim školama, promocije mogućnosti i institucionalnih oblika saradnje.

### **Član 4.**

Univerzitet podupire sve oblike međunarodne saradnje. Sve međunarodne aktivnosti moraju biti u skladu s misijom, vizijom i strateškim ciljevima Univerziteta i/ili organizacione jedinice.

Međunarodne aktivnosti mogu biti formalne i neformalne prirode. Svi uposlenici se podstiču da uspostave kontakte sa željenim partnerima. Informacije o uspostavljenim kontaktima i oblicima saradnje trebaju biti dostavljene Uredu, odnosno inicijative trebaju biti formalno upućene Uredu.

## Član 5.

Međunarodne aktivnosti od posebnog interesa za Univerzitet su: programi razmjene studenata i osoblja (period proveden na instituciji u inostranstvu, odnosno period koji su studenti ili osoblje iz inostranstva proveli na Univerzitetu), realizacija zajedničkih studijskih programa, zajedničke istraživačke aktivnosti, razmjena iskustava i zajednički projekti reforme i unapređenja visokog obrazovanja.

## Član 6.

Univerzitet će pružati podršku međunarodnim aktivnostima a odluka će biti donesena za svaki pojedinačni slučaj međunarodne aktivnosti.

Ova odluka mora sadržavati iznos finansijskih sredstava za podršku, vremenski period trajanja aktivnosti i osobe odgovorne za realizaciju aktivnosti. Odluka se donosi na osnovu zahtjeva koji može podnijeti svaki uposlenik ili student Uredu.

Zahtjev obavezno sadrži prikaz ciljeva međunarodne aktivnosti, jasno izražen interes Univerziteta, finansijsku shemu i prijedloge za realizaciju aktivnosti. Ured će izvršiti evaluaciju zahtjeva i zajedno s rektorom Univerziteta uputiti prijedlog Senatu za donošenje odluke o podršci međunarodnim aktivnostima.

Odluka se primjenjuje nakon što saglasnost na primjenu iste da Upravni odbor Univerziteta.

## Član 7.

Ured najmanje dva puta godišnje podnosi Senatu Univerziteta izvještaj o svome radu. Izvještaj obavezno sadrži informacije o svim inicijativama i zahtjevima upućenim Uredu, bez obzira na nivo implementacije i/ili eventualno odustajanje od prijedloga/zahtjeva za podršku.

## Član 8.

Za provođenje ovog Pravilnika odgovoran je prorektor za naučno-istraživački rad i međuuniverzitetsku saradnju u zemlji i inostranstvu.

## Član 9.

Ovaj pravilnik stupa na snagu 8 dana od dana objavljivanja na oglasnoj ploči Univerziteta u Bihaću.

Dostavljeno: - Organizacionim jedinicama  
- Oglasna ploča Univerziteta  
- a/a

Predsjednik Senata

---

Prof.dr. Refik Šahinović

Procedura za praćenje ispunjenja planova i realizacije strateškog plana razvoja Univerziteta u Bihaću objavljena je 29.09.2011. na oglasnoj ploči Univerziteta u Bihaću, a stupila je na snagu 07.10.2011.

Predsjednik Senata

---

Prof.dr. Refik Šahinović